



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 18 DE SU 01/02/2023

OGETU: *CUNTZESSIONI PATROTZÌNIU A INDONU A FAVORI DE SU WWF – RAPRESENTANTI LEGALI PRAMPOLINI ALESSANDRA PO SU PROGETU “RI-PARTY-AMO - PULIZIA DELLE SPIAGGE” IN SA COSTERA DE CABUDERRA - IN MARAMURA PO SÀBUDU 18 DE MARTZU 2023.*

S’ annu 2023, su 01 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s’ est atobiada sa Giunta Comunali cun is personis chi s’hint:

### ***Nòmimi e Sangunau***

Beniamino Garau  
Dessi Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
Eja  
Eja  
No  
Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s’ adunàntzia.

---

## SA GIUNTA COMUNALI

### **Postu chi:**

- cun annotadura de su 25 de gennàrgiu 2023, arricida cun Nùmeru 3615 de Prisia Generali de custu Enti, Sa Senn. Prampolini Alessandra, in calidadi de Rapresentanti Legali de s' Assòtziu WWF ITALIA, at pediu su Patrotzìniu de su Comunu de Cabuderra po su PROGETU *RI-PARTY-AMO-PULIZIE SPIAGGE* – (chi s'at a fai Sàbudu 18 de martzu 2023, in sa Praja de Cabuderra – Praja Maramura;
- su Progetu Eventu est de importu mannu po sa sotzialidadi e su sport e cun medas atletas, sena scopu de lucru de parti de is organizadoris;

**Torrada sceda** bona a sa manifestatzioni;

**Ca** sa cuntzessioni de su Patrotzìniu est disciplinada de su Regulamentu Comunali aprovau cun Deliberatzioni de su Consillu Comunali n. 31 de su 29/04/2022;

**Pigau atu** de s' artìculu 2 de su Regulamentu “Su Patrotzìniu est un' atu autònomu cunforma a àteras formas de interventu comunali, comenti cuntzessionis de sali, de strukturas, de contributus, e sa cuntzessioni sua est riservada sceti a sa cumpetèntzia de sa Giunta Comunali chi intervenit cun Deliberatzioni sua”;

**Arriciu** parri a favori in contu de regularidadi tècnica cunforma a s' art. 49, c. 1, de su D.Lgs. n. 267/2000, de parti de su Responsàbili de su Setori Su Dotori Giorgio Lecca;

**Liau a cunsideru** s' art. 49 de su D.Lgs. n.267/2000;

Cun votatzioni a favori e a totòmini,

## DELÌBERAT

**De cuntzedi**, cunforma a su Regulamentu po sa cuntzessioni de su Patrotzìniu Comunali, su Patrotzìniu a indonu de su Comunu de Cabuderra a su Progetu “*RI-PARTY-AMO - PULIZIA DELLE SPIAGGE*”, chi s'at a fai su 18 de Martzu 2023;

**De autorizai** s' imperu de su stema de su Comunu de Cabuderra, cunforma a s' art. 10 de su Regulamentu arremonau;

**De si riservai** su diritu rèvoça de su Patrotzìniu in s' in casu de cunditziunis prevìdias de s' artìculu 13 de su Regulamentu;

---

**De donai atu** chi sa cuntzessioni de custu Patrotzìniu no ndi liat òbligu perunu a is organizadoris de sa manifestatzioni, previdius de is leis e/o regulamentus, pertocantis s' atividadi asuta de patrotzìniu;

**De donai atu** chi custu provedimentu no ocasionat gastus a càrrigu de su Comunu de Cabuderra.

---